

bestetigen yn hie mit den selben iarmarckt also genczlich ane geverde. Vnd begeren hieruff in vlissee von allen vnd iglichen prelaten, vnsern graven herren amptluten rittern knechten richtern geswornen reten burgermeistern gemeynen vnd inwonern vnser stedte merckte vnd dorfer vnd sust allermenniglich von den vnsern ernstlich begerende vnd gebietende, das ir die vorgnanten vnser burger vnd inwoner der selben vnser stat Lipzk, auch alle ander kaufflute vnd igliche personen, die den gnanten iarmarkt als oben berurt ist besuchen, darzcu komen, die zeyt doselbest beharren vnd auch do von wandern werden, an iren personen kaufmanschacz vnd gute in eynichen sachen wider recht nicht hindert betrubt ader beleidiget, also lib euch sie vnser vnser erben vnd nachkomen groÙe vngnade vnd pene zcuuormeyden. Hie mit sollen die iarmerekte, die sie vormals ierlich in vnser stad Lipczk gehabt vnd gehalten haben, nicht abgestalt sin, sundern iren furgang haben vnd crefftig sin vnd bliben, inmassen die herkomen sint vnd sie herbracht haben ane geuerde. Zcu urkunde haben wir vnser furstlich groÙ maiestat insigel an disen vnsern briff wisentlich laÙen hengen, der gegeben ist zcu Rochlitz am mitwochen aller heiligen tage nach gots geburt tusend vierhundert darnach in dem achtvndfunffzigsten iare. Hie bey sint gewest als gezcugen vnser rete heymlichen vnd lieben getrewen er Hyldebrant vom Eynsidel ritte obermarschalck, er Nickel von Schonberg ritte hofmeister, er Georgius von Hugewitz techand zcu Missen canzler ꝛc., Otto Spiegel, Hugk von Tubenheym vnd ander vnser manne vnd dyener gnug, den wol zcu glowben stet.

Nach dem Abdruck im Bericht d. deutschen Gesellschaft zu Leipzig 1836 S. 31—33, an einigen Stellen berichtigt nach einer Abschrift aus dem 16. Jahrhundert im K. Haupt-Staatsarchiv zu Dresden.

No. 332. 1458. 1. Nov.

*Des Kurfürsten Friedrich II. Ausschreiben den der Stadt Leipzig verliehenen Neujahrsmarkt betr.*

Friderich von gots gnaden hertzog zcu Sachssen, des heiligen Romischen richs ertzmarschalck und kurfurste, lantgraue in Doringen vnd marcgraue zcu Missen.

Allen vnd iglichen vnnsern prelaten grauen herrn fryen rittern knechten amptluten richtern burgermeistern reten vnd gemeynen der gebyete slosse stete merckte vnd dorffer in vnsern furstenthumb ligende vnd sust allermeniglich den vnsern, den diser vnser briff furkomt vnd erzceiget wurdit. Lieben andechtigen vnd getruwen. Wanne wir auch vnsern lieben getruwen burgermeister ratmanne vnd gemeyne vnser stat Liptzk vmb derselben vnser stat besserung vnd uffkomens, auch von gemeyns nutz vnd fromens willen gnediglich gegunst zeugegeben vnd vorlihen haben, das sie vnd ire nachkomen nu furbaÙ zcu ewigen zeyten ierlichen ein iarmarckt in derselben vnser stat Liptzk haben vnd halden mogen, der uff den heiligen nuwen iars tag angehen vnd bestehende bliben sal biÙ uff der heiligen dryer konige tag nehst darnach folgende den tag gantz uÙ, als das vnser briff yn doruber gegeben innheldit vnd uÙwiset, dorumb von uch allen vnd eym itzlichen in sunderheyt ernstlich begernde, das ir die vorgnanten burger und inwoner vnser stat Liptzk, auch alle ander kouff-